



INFORMATIVNI BILTEN
OPĆINE ILIDŽA

Ilidža • Mart - Maj 2020
• Broj 190

ILIDŽA U DOBA CORONE



Obilježen Dan Općine

U povodu 12. marta Dana Općine Ilidža, brojne delegacije su položile cvijeće i odale počast svim šehidima i poginulim borcima s područja ove općine. Planirana svečana sjednica Općinskog vijeća Ilidža na kojoj su se trebale dodijeliti nagrade i priznanja najzaslužnijim pojedincima i kolektivima je odgođena. S obzirom da je Krizni štab Ministarstva zdravstva Kantona Sarajevo donio Naredbu kojom se preciznije definiše i nalaže postupanje zbog zaštite od korona virusa (Covid-19) koja je na snazi, donesena je odluka da se sjednica odgodi.

Oni koji vole Ilidžu i osjećaju je, nisu zaboravili kako je ona izgledala prije 24 godine. Bila je skoro uništena, a štete prema gruboj procjeni iznosile su oko milijardu američkih dolara. Na dan reintegracije Općine Ilidža zatečeni su potpuno devastirani stambeni objekti infrastruk-



tura, veliki broj raseljenih, nezaposlenih, socijalno nezbrinutih. Danas je Ilidža moderna lokalna zajednica koja se digla iz pepela u kojoj svoj dom ima oko 100.000 stanovnika.

Uručena povelja Sulejmanu Sandžaku

Iako je odgođena svečana sjednica Općinskog vijeća Ilidža na kojoj su trebala biti dodijeljena najveća priznanja pojedincima i kolektivima, gostu iz Turske koji je nominovan za počasnog građanina Općine Ilidža, ipak je uručena Povelja.

Načelnik Općine Ilidža, prof. dr. Senaid Memić i predsjedavajući Općinskog vijeća Muhamed Omerović uručili su Povelju počasnog građanina Općine Ilidža Sulejmanu Sandžaku, za humanitarni rad i naročite zasluge na promociji, ugledu i napretku Općine Ilidža, te širenju bratskih i međuljudskih odnosa.

„Velika mi je čast što sam primio Povelju. Ja sam prijatelj Ilidže i Bosne i Hercegovine i tako će i ostati. Moja pomoć svim Ilidžancima je neupitna i nadam se da će naše veze ostati snažne i bratske. Povelja mi je ujedno i odgovornost i vjerujem da ću je opravdati“ rekao je Sulejman Sandžak.



Obilježen Dan MZ Centar

Delegacija Savjeta MZ Centar Ilidža 12. marta položila je cvijeće na spomen-obilježje, odala počast šehidima, poginulim borcima i civilnim žrtvama proteklog odbrebno-oslobodilačkog rata i na taj način obilježila dan ove MZ. Ova ilidžanska MZ ima oko 5.140 stanovnika.





Općini Ilidža 650.000 KM od vodnih naknada

Sporazum o sufinansiranju projekata iz Budžeta Kantona Sarajevo od namjenskih sredstava - vodne naknade na području općine Ilidža potpisan je u zgradi Vlade Kantona 6. maja 2020. godine.

Sporazum su potpisali načelnik Općine Ilidža prof.dr. Senaid Memić, direktor Zavoda za izgradnju Kantona Sarajevo Mirza Hulusić i ministrica komunalne privrede i infrastrukture Kantona Sarajevo Nihada Glamoč.

Sporazumom će se regulisati finansiranje izgradnje rezervoara „Crkvine“ (sufinansiranje Kantona u iznosu 450.000) i rekonstrukcija kanalizacione mreže u Sokolović-Koloniji 200.000 KM.



Završena izgradnja saobraćajnice u Otesu

Radovi na saobraćajnici prema izlazu iz naselja Otes u ulici Barska (izlaz) i Bosanskih gazija (ulaz) okončani su 4. maja 2020. godine.

Investitor je Općina Ilidža, a za ove radove iz budžeta je izdvojeno 550.000, 00 KM.

Radovi su bili povjereni firmi MGBH d.o.o., koji su ih i u dogovorenom roku odradili. Nadzor nad izvođenjem radova vršio je Zavod za izgradnju Kantona Sarajevo.

Saobraćajnica dužine 311 metara sa dvije saobraćajne trake širine 3,5 metra, uz zeleni pojas širine po metar sa obje strane, te pješačkim i biciklističkim stazama po 2,5 metra, puštena je u promet.



Dodijeljena sredstva za 17 mladih ljudi za pokretanje vlastitog biznisa

Općina Ilidža je i ove godine sufinansirala najbolje poslovne planove namijenjene razvoju poduzetničke inicijative i zapošljavanju mladih i žena sa područja ove općine. U Općini Ilidža 27. maja 2020. godine 17 mladih ljudi potpisalo je ugovore o dodjeli bespovratnih novčanih sredstava za biznis planove, odnosno za početak vlastitog biznisa.

Na javnom pozivu za sufinansiranje troškova pokretanja i razvoja vlastitog biznisa izabrano je 17 njih kojima će Općina Ilidža sufinansirati pokretanje vlastitog biznisa. Iz Budžeta za ove namjene je izdvojeno 70.000 KM.

Svrha javnog poziva je razvoj poduzetničke inicijative koja će omogućiti stvaranje novih radnih mjesta i zapošljavanje mladih i žena sa evidencije nezposlenih.

Najuspješnije biznis planove imali su: Berin Mršo (4.500,00 KM), Dževada Šehović (4.500,00 KM), Amir Uzunović (4.000,00 KM), Hamza Delić (4.000,00 KM), Mirnesa Sabljica (3.800,00 KM), Albin Muqaj (3.800,00 KM), Dragica Barić (3.600,00 KM), Arnel Lučkin (3.600,00 KM), Naida Mehanović (3.600,00 KM), Alen Merdan (3.600,00 KM), Samra Muftić (3.400,00 KM), Medžida Isić (3.400,00 KM), Elvedin Čupar (3.400,00 KM), Eldan Kujević (3.400,00 KM), Almira Mulaomerović (3.400,00 KM), Mirsada Rastoder (3.400,00 KM) i Fatima Delić (3.400,00 KM).

Almira Mulaomerović jedna od mladih žena koja je dobila novčana sredstva izrazila je zahvalnost Općini Ilidža koja je prepoznala njenu želju za pokretanjem biznisa.

“S obzirom da sam ostala bez posla, a završila sa Fakultet političkih nauka i nikada nisam radila u struci, nisam mogla da nađem posao, odlučila sam da se prekvalifikujem i da probam svoj vlastiti biznis, agenciju za administrativne poslove” rekla je Almira.



Započeli radovi izgradnje “Crkvine”

Općina Ilidža započela je realizaciju projekta izgradnje rezervoara “Crkvine” u padinskom dijelu MZ Blažuj i Osjek na najvisočijoj tački u ulici Remze Ahmetovića. Rezervoar je projektovan u svrhu rješavanja vodosnabdjevanja padinskih dijelova MZ Blažuj i Osjek.

Općina Ilidža je aktivnosti za izgradnju prve faze pokrenula 13. aprila, a izvođač radova je zvanično od strane nadzornog organa Zavoda za izgradnju Kantona Sarajevo i uveden na planirani prostor, kako bi započeo radove.

Posao je povjeren firmi AGI d.o.o Konjic, koji su već izvršili iskope, a u fazi je izvođenje betonskih radova.

Ukupna zapremnina rezervoara je prema projektu prve faze 700 metara kubnih vode za piće. Prema Ugovoru vrijednost projekta koji finansira i Općina Ilidža je 901.000 KM. Rok za završetka prve faze je osam mjeseci.

Uređenje korita Tilave u završnoj fazi

Radnici firma Tuzlić d.o.o završavaju radove na sanaciji uređenog korita Tilave i izgradnju korita Male Tilave u MZ Donji Kotorac.

Betonirano je dno korita i urađeni su zidovi u visini jedan metar, širini dva u dužini oko 165 metara.

Vrijednost ugovora je 54. 420,83 KM a radove finansira Općina Ilidža.



Novi parking na Ilidži

Na području općine Ilidža u toku je izgradnja javnog parking prostora u ulici Dr. Silve Rizvanbegović. Radi se o 28 parking mjesta. Investitor je Općina Ilidža. Izvođač radova je firma GP ING d.o.o. Sarajevo. Vrijednost radova je 77.803,32 KM. Korištenje parkinga je besplatno.



Uručeno 35 ugovora o dodjeli plastenika

Općina Ilidža kontinuirano podržava razvoj primarne poljoprivredne proizvodnje. Na osnovu Pravilnika o utvrđivanju uslova, kriterija i postupaka za ostvarivanje prava na dodjelu, a u okviru realizacije projekta „Dodjela plastenika u općini Ilidža“ i ove godine je organizovana dodjela plastenika. U multimedijalnoj sali Općine Ilidža 13. aprila upriličeno je potpisivanje ugovora za dodjelu plastenika. Na prijedlog komisije, općinski načelnik je donio odluku o dodjeli plastenika za 35 korisnika, koji su odabrani putem javnog poziva. Plastenici su površine 100 kvadratnih metara sa kompletnom opremom čija pojedinačna vrijednost iznosi oko 3.000 KM. Za ovaj projekat Općina Ilidža je izdvojila 100.000 KM.

Plastenike su dobili: Hafizović (Mujo) Šaban, Karić (Halid) Bahrudin, Bašić (Osman) Sead, Luinović-Džaferović (Husein) Munevera, Mehić (Hamid) Hamed, Mustajbegović (Egber) Mustafa, Kahriman (Halid) Mirhet, Čatović (Osman) Fadil, Feratović (Ahmet) Zuvdija, Čebirić (Mujo) Nijaz, Košpo (Uzeir) Čazim, Ožegović (Meho) Mirsad, Spahić (Harun) Ernada, Trubljanin (Bajram) Čerim, Mehanović (Zahid) Edina, Dedukić (Fikret) Zemir, Tvrtković (Alija) Mehemed, Termiz (Halil) Sadeta, Skenderagić (Ago) Hasib, Sinanović (Bajro) Osman, Nezir (Džano) Kemal, Lokvančić (Aljo) Kadina, Kurtić (Mehmed) Salko, Kezo (Abdulah) Mubera, Krako (Meho) Islam, Kovačević (Ajdin) Šemsa, Kovačević (Salko) Merima, Kovač (Šerif) Aiša, Komšić (Hamdija) Aida, Đipa (Mujo) Džemil, Čaušević (Emin) Fajko, Aščerić (Alija) Sehada, Agović (Mustafa) Munevera, Bošnjak (Hajriz) Edina, Salihović (Suljo) Sulejman.



Podijeljeno 2095 sadnica

Općina Ilidža u 2020. godini nastavlja projekat dodjele sadnica voća građanima sa područja ove općine.

Dodijeljeno je 2095 sadnica voća, i to: 100 sadnica jabuke, 300 sadnica šljive, 300 sadnica kruške, 745 sadnica višnje i 650 sadnica trešnje.

Sadnice su podijeljene 12. marta 2020. putem Službe za koordinaciju rada MZ-a. Za ovaj projekat Općina Ilidža izdvojila je 7 000 KM.



Započete aktivnosti na realizaciji projekta registracija nekretnina

Nakon više od dvije decenije, u skladu sa zadatim planom rada Općina Ilidža je započela aktivnosti na implementaciji projekta registracije nekretnina i usaglašavanja podataka o nekretninama između katastra i zemljišne knjige. Projekat se realizuje u saradnji i pod nadzorom Federalne uprave za geodetske i imovinsko pravne poslove. Rezultati projekta će značajno unaprijediti stanje u katastarskim evidencijama, te omogućiti rješavanje dugogodišnjih problema sa kojima se susreću vlasnici nekretnina u ovoj lokalnoj zajednici. Privrednim subjektima će biti olakšano poslovanje, a posebno u smislu privlačenja novih investicija, kao i izrade neophodne prostorno planske dokumentacije. Realizacijom projekta Općina Ilidža će biti jedna od lokalnih zajednica koja će nuditi potpunu, tačnu i ažurnu evidenciju o nekretninama, a koja je preduslov za efikasniju upravu i ostvarivanje punog sadržaja vlasničkih prava. Trenutno se provode aktivnosti na skeniranju arhivske građe i ažuriranju terenskih promjena, te podataka novog premjera za katastarske općine: Hrasnica i Butmir, a što obuhvata naselja Hrasnica, Sokolović-Kolonijska, Butmir, te dijelove Ilidže, Nedžarića, Stojčevca i Vrela Bosne.





Načelnik Memić primio Larisu Cerić

Načelnik Općine Ilidža prof.dr. Senaid Memić 16. marta 2020. primio je najbolju bh.džudistkinju Larisu Cerić i njenog trenera Branislava Crnogorca. Susret je bio prilika da bh. selektor Crnogorac upozna načelnika Memića sa rezultatima koje postiže Larisa.

Načelnik Memić je čestitao Larisi na uspjesima, te obećao podršku u želji da Larisa donese medalju BiH u julu sa Olimpijskih igara 2020. godine.

“Zahvalna sam načelniku prof.dr. Senaidu Memiću jer je podržavao moju sportsku karijeru i moj olimpijski san, a obećao je i dalju podršku u budućnosti u skladu sa finansijskim sredstvima općine” rekla nam je Larisa Cerić, koja je šesta džudistkinja svijeta.

„Vemi“ prezentirao projekte Općini Ilidža

Predstavnici mađarske vladine organizacije „Vemi“ koja se bavi kontrolom kvalitete i inovacijom ekološkog održivog dizajna u objektima, posjetili su 3. marta Općinu Ilidža. Prezentirali su rad svoje organizacije u kojoj je uposleno 200 ljudi i koja ima 2000 sporazumnih saradnji kako sa lokalnim tako i sa inostranim partnerima. Do sad su uradili više od 40 uspješnih projekata širom Evrope sa lokalnim zajednicama i svojim dolaskom prepoznali Općinu Ilidžu kao mogućeg budućeg partnera sa kojom bi zajedno aplicirali ka UNDP fondovima.



Općina Ilidža bira najljepše dvorište

Općina Ilidža raspisala je javni poziv za izbor najljepšeg dvorišta i balkona sa cvjetnim aranžmanom. Na javni poziv mogu se prijaviti svi građani sa područja ove općine do 11. juna 2020.

Sve prijave mogu se slati putem prijavnog obrasca koji se može preuzeti u prostorijama MZ i info desku (šalter sala) Općine Ilidža. Svaka prijava treba da sadrži tačne podatke. Zahtjevi se predaju putem pošte, na protokolu Općine Ilidža, ulica Butmirska cesta broj 12, sa naznakom za javni poziv za izbor najljepšeg dvorišta i balkona ili putem e-mail adrese ilidzaturizam@gmail.com.

Za najljepše dvorište dodijelit će se 800 KM, drugo 700 KM a treće 600 KM. Za najljepši balkon predviđena je nagrada u iznosu 600 KM, drugo mjesto 500 KM, a treće 400 KM.

Pored Sarajevo Waves-a 30 novih stabala

Upravcu naselja Sarajevo Waves, pored saobraćajnice kroz Otes zasađeno je 30 alejnih brijestova. Izvođač radova je bila firma “Prunus” d.o.o. Kakanj. Vrijednost radova iznosila je 6.982,09 KM. Projekat je finansirala Općina Ilidža.





Završeno asfaltiranje šest ulica, a u toku još tri

Na području općine Ilidža završeno je asfaltiranje šest, a u toku je asfaltiranje još tri ulice. Za ove radove Općina Ilidža je izdvojila 593.778,97 KM.

Asfaltirana je ulica Banjska u dužini 212 i širini četiri metra. Investitor je Općina Ilidža u iznosu 35.742,96 KM. Radovi su bili povjereni firmi Braća Mujić d.o.o.

Asfaltiran je spoj ulica Hendekusa od broja 189 do broja 205 i Nadosjek u dužini 435 i širini tri i po metra. Vrijednost posla koji su obavili radnici firme Braća Mujić d.o.o. je 52.949,67 KM, a platila ih je Općina. U toku je rekonstrukcija ulice Lužansko polje od raskrsnice sa ulicom Vreoca do pješačkog mosta. Dužina je 260, a širina od šest do sedam metara. Investitor je Općina Ilidža.

Izvođač radova je firma Mevludin commerc d.o.o., a vrijednost 339.700,14 KM.

Asfaltiranje ulice Rustem-pašina od br. 4 do br. 10 je finansirana zajedno sa građanima u omjeru 70 posto Općina, a 30 posto građani. Dužina urađenog asfalta je 54 metra, širina od četiri do pet metara. Vrijednost radova je 6.173,42 KM, a izvodila ih je firma DEMUS d.o.o.

Asfaltirana je na istom principu i ulica Osječki put u dužini 246 i širini tri i po metra. Izvođač radova je bio DEMUS d.o.o., a projekat je koštao 29.203,95 KM. Radovi asfaltiranja u dužini 240 metara i širini tri i po, završeni su u ulici Karamušići do br.70. Investitor je Općina Ilidža i građani. Izvođač radova je bio DEMUS d.o.o., a vrijednost radova 28.028,87 KM. Stanovnici ulice Vreoca od br. 34 do br. 38 dobili su novi asfalt u dužini 200 i širini tri metra.

Radove vrijednosti 20.929,31 KM je izvela firma DEMUS d.o.o. Asfaltirana je i ulica Vlakovo od br. 190 do br. 196 u dužini 176 i širini tri metra. Investitor je Općina Ilidža i građani. Izvođač radova je firma Braća Mujić d.o.o. Vrijednost radova je 17.501,54 KM.

U toku su radovi asfaltiranja ulice Mratnjevače do br. 29 u dužini 426 metra i širini od tri do tri i po metra. Investitor: Općina Ilidža i građani. Izvođač radova: DEMUS d.o.o. Vrijednost radova: 44.729,91 KM. U toku je asfaltiranje ulice Osik 626 u dužini 155 i širini tri i po metra.

Investitor je Općina Ilidža i građani u vrijednosti 18.819,20 KM, a radove izvode radnici firme DEMUS d.o.o.



Uskoro obnova stare Željezničke stanice

Objekt stare Željezničke stanice na Ilidži propada decenijama. Osim što propada, predstavlja i sigurnosnu prijetnju za prolaznike. Razlog takvom stanju su neriješeni imovinsko-pravni odnosi i nemogućnost Željeznica FBiH da obnovi objekat zbog finansijske situacije u tom preduzeću. Zajednička želja i Vlade Kantona Sarajevo i Općine Ilidža jeste obnoviti ovaj objekat. Delegacija Kantona Sarajevo, predvođena predsjedavajućim Skupštine Kantona Sarajevo Mirzom Čelikom posjetila je 27. maja Općinu Ilidžu i glavna tema razgovora bila je upravo obnova stare Željezničke stanice.

Načelnik Općine Ilidža prof.dr. Senaid Memić izrazio je svoju spremnost i želju za rješavanjem ovog pitanja, obećavajući aktivnu ulogu u ovom procesu. Prema njegovim riječima glavni problem realizacije ovog pitanja jesu neriješeni imovinsko-pravni odnosi, odnosno stanarska prava osam vlasnika koji su u razgovoru sa Općinom Ilidža tražili tržišnu vrijednost po kvadratu, iako se radi o devastiranom objektu.

“Taj prostor je ruševina, a ujedno i nacionalni spomenik, pa Općina Ilidža nema ni zakonsko pravo da radi sama obnovu, odnosno nemoćni smo u rješavanju ovog pitanja” izjavio je Memić, te ponovio potpunu spremnost za implementacijom projekta, ako Vlada Federacije u čijoj je nadležnosti da svoju saglasnost.

Kako je zaključeno Kanton Sarajevo želi da krene u obnovu stare Željezničke stanice i planirana su sredstva za ovu namjenu. U narednih 15 dana održat će se zajednički satanak u Vladi Federacije, kako bi se dobila saglasnost za provođenje postupka, kojim će se nadležnost za rješavanje imovinsko-pravnih odnosa i svih drugih neophodnih radnji u svrhu realizacije ovog projekta prenijeti na Kanton, odnosno lokalnu zajednicu Svoju prvu rekonstrukciju i potpunu afirmaciju će doživjeti u narednom periodu po uzoru na Bistričku željezničku stanicu, ocijenjena je svih sudionika ovog sastanka. Svoju podršku na sastanku dali su i ministar prostornog uređenja Faruk Kapidžić i ministar kulture i sporta Kenan Alikadić, a sastanku je prisustvovao i zastupnik Evis Vreto koji je na Skupštini Kantona Sarajevo pokrenuo inicijativu za obnovu ovog objekata.

Podsjećanja radi, Željeznička stanica izgrađena je 1892. kao jedan od prvih objekata u centralnom dijelu Ilidže.





Najbolji matematičari iz Osme osnovne škole “Amer Ćenanović”

U Četvrtoj gimnaziji Ilidža 05. marta održano je Općinsko takmičenje učenika osnovnih škola sa područja općine Ilidža. Takmičenje je održano iz matematike za učenike sedmog, osmog i devetog razreda. Najbolji među njima bili su učenici iz devetog razreda, Harun Alibegović (Osma osnovna škola), Imran Čustović (Osma osnovna škola), Benjamin Čimpo (Druga osnovna škola), učenici osmog razreda, Merjem Kurtović (Treća osnovna škola), Meldina Osmanović (Peta osnovna škola), Amar Čatić (Treća osnovna škola), a među najboljim iz sedmih razreda su Ilma Pleh (Šesta osnovna škola), Asad Šabaredžović (Osma osnovna škola) i Ibrahim Alibegović (Osma osnovna škola).

Pokrovitelj takmičenja je Općina Ilidža i načelnik prof.dr. Senaid Memić. Organizator je Služba za obrazovanje, kulturu, sport i informisanje.



Najbolje geografičarke Nejla Mizdrak, Hana Selimović i Naida Đipa

Općinsko takmičenje učenika iz geografije za devete razrede osnovnih škola sa područja ove općine održano je u Četvrtoj gimnaziji Ilidža. Najbolja među njima bila Nejla Mizdrak iz Devete osnovne škole, drugoplasirana je bila Hana Selimović (Deveta osnovna škola), treće mjesto zauzela je Naida Đipa (Druga osnovna škola).



Najbolji fizičari Harun Alibegović i Kerim Šehović iz Osme osnovne škole “Amer Ćenanović”

U Četvrtoj gimnaziji Ilidža 06. marta održano je Općinsko takmičenje učenika osnovnih škola iz fizike sa područja ove općine. Takmičilo se 60 učenika. U kategoriji devetih razreda najbolji je bio Harun Alibegović iz Osme osnovne škole “Amer Ćenanović”, drugi je Alden Mekić iz Desete osnovne škole, a treći je Nadir Hrustanbegović iz Osme osnovne škole “Amer Ćenanović”. U kategoriji osmih razreda prvo mjesto zauzeo je Kerim Šehović, druga je bila Emina Musić iz Osme osnovne škole “Amer Ćenanović”, trećeplasirana je Adela Čorbo Sedma osnovna škola.

Pokrovitelj takmičenja je Općina Ilidža i načelnik prof. dr. Senaid Memić. Organizator je Služba za obrazovanje, kulturu, sport i informisanje.



Najbolji informatičari iz Osme osnovne škole “Amer Ćenanović”

Najbolja ekipa na takmičenju učenika osnovnih škola iz informatike je iz Osme osnovne škole “Amer Ćenanović”, Nadir Hrustanbegović, Imran Čustović, Harun Alibegović, drugo mjesto zauzela je Četvrta osnovna škola sa učenicima Amar Leka, Damir Kadrić, Vildan Lokvančić, a trećeplasirani su bili Muhamed Avdić, Alden Mekić, Muhamed Hrnjić iz Desete osnovne škole. Općinsko takmičenje iz informatike za učenike osnovnih škola održano je u Četvrtoj gimnaziji Ilidža.





Obilježena godišnjica postrojavanja Prve samostalne brigade

Na području MZ Stupsko brdo, Općina Ilidža, 4. aprila 1992. godine postrojen je bataljon sastavljen od mještana te mjesne zajednice. Postrojeni su heroji koji su podnosili udare agresora, koji je pokušavao da spoji Nedžariće sa kasarnama Rajlovac, Butila i drugim područjima.

Tim spajanjem opkolili bi mještane naselja Stup II, Stupa I i Otesa. Stupski heroji su odolijevali sa malo materijalno tehničkih sredstava, ali sa velikim i hrabrim srcem.

Iako, zbog pandemije su zabranjena okupljanja, zbog prevencije, pripadnici Udruženja Prva samostalna brigada Stup i Organizatori pokretači otpora, i branitelji Stupa 4. aprila položili su cvijeće, proučili Fatihu, te minutom ćutnje odali počast poginulim borcima Stupskog brda.

Udruženje boraca Prva samostalna brigada Stup - Ilidža or-

ganiziralo je 5. aprila u Sarajevu obilježavanje 28. godišnjice od pogibije Samira Mišića, dobitnika najvećeg ratnog priznanja "Zlatne policijske značke" i prve žrtve napada na školu MUP-a na Vracama. Ispred kapije Policijske akademije na Vracama godišnjica je obilježena polaganjem cvijeća, učenjem Fatihe i minutom šutnje.



Obilježen 9. maj, Dan zlatnih ljiljana

U skladu sa preporukama kriznih štabova 9. maja 2020. godine dostojanstveno i u skladu sa mogućnostima Općina Ilidža obilježila je 9. maj "Dan Zlatnih ljiljana" i "Dan pobjede nad fašizmom".

Delegacija boračkih udruženja i Općine Ilidža, predvođena predsjedavajućim Općinskog vijeća Muhamedom Omerovićem odali su počast svim šehidima i poginulim borcima, koji su dali živote u odbrani naše države.

Delegacije su položile cvijeće na Centralnom spomen-obilježju šehidima i poginulim borcima, poginulim borcima Četvrtе viteške brigade, proučili Fatihu, te na taj način evocirali uspomene na sudbonosne bitke za opstojnost i državotvornost BiH tokom protekle agresije.

U Općini Ilidža priznanje „Zlatni ljiljan“ dobilo je 34, koji su još živi, a njih 30 je odlikovano posthumno. Ostalim ratnim priznanjima nagrađeno je 25.



Obilježen 15. april Dan Armije BiH

Taj 15. april 1992. godine bilo je doba bosanskog ponosa. Danas 28 godina poslije sjećamo se historijskog perioda za Bosnu i Hercegovinu i njene narode.

Za sve patriote ove zemlje ovo je poseban dan, dan kada je organizovan otpor protiv agresije na Bosnu i Hercegovinu. U povodu 15. aprila Dana Armije Republike BiH ispred Centralnog spomen-obilježja Ilidža, delegacija Općine Ilidža položila je cvijeće i odala počast svih šehidima i poginulim borcima Armije BiH, onima koji su dali svoje živote za odbranu i slobodu jedine nam domovine.





Obilježen 22. april Dan odbrane Ilidže

U znak sjećanja na 22. april 1992. godine, datum kada se vodila jedna od najznačajnijih bitaka za grad Sarajevo, te odbranjena naselja Sokolović -Kolonija, Hrasnica i Butmir, u organizaciji Općine Ilidža i Patriotske lige Ilidža 22. aprila 2020. je obilježen Dan odbrane ove općine. Taj dan 1992. je u narodu poznat kao dan, kada se pokazalo agresoru da je narod riješio da se bori za BiH i da se neće predati.

U skladu sa novonastalom situacijom i pandemijom virusa COVID- 19, mjerama zaštite i odredbama Kriznog štaba civilne zaštite FBiH o zabrani organizacije javnih skupova, ova bitna godišnjica za sve stanovnike Ilidže je obilježena skromno, polaganjem cvijeća i učenjem Fatihe na spomen obilježjima.

Položeno je cvijeće na spomen-obilježje u Sokolović-Koloniji i na centralno spomen -obilježje Ilidža. Okupljeni članovi Patriotske lige rekli su da su tu, kako bi se sjetili svih onih koji su svoje živote dali da bi svi živjeli u miru i slobodi. Oni su poručili da je BiH država koja će u budućnosti biti moderna, efikasna država, članica Evropske unije (EU), NATO saveza, te država u kojoj će svi ljudi i narodi biti ravnopravni, bez obzira u kojem dijelu BiH živjeli, a za to su živote dali heroji čija imena stoje na spomen-obilježjima.

Delegacije koje su položili cvijeće predvodili su predsjedavajući Općinskog vijeća Muhamed Omerović i načelnik Općine Ilidža prof. dr. Senaid Memić.

Obilježena 27. godišnjica Bitke za Košćan

Udruženje boraca "Veterani rata 1992-1995 Rakovica" u saradnji sa Udruženjem "9. Brdska brigada Hadžići" je obilježilo 27. godišnjicu Bitke za Košćan. U skladu sa novonastalom situacijom i pandemijom virusa corona, mjerama zaštite i odredbama Kriznog štaba civilne zaštite FBiH o zabrani organizacije javnih skupova, 27.godišnjica Bitke za Košćan je obilježena skromno, polaganjem cvijeća i učenjem Fatihe na spomen obilježju u Rakovici, šehidskom mazarjima Kahrimani-Pazarić, šehidskom mezarju Mokrine - Lepenica i centralnom spomen obilježju na Košćanu. Pomenutim aktivnostima prisustvovali su i predstavnici Koordinacije boračkih udruženja općina Ilidža te predstavnici Općine Ilidža, čiju delegaciju je predvodio predsjedavajući OV Muhamed Omerović.



Veterani položili cvijeće

U organizaciji JOB-a "Unije veterana" Ilidža 14. maja obilježena je memorijalno-historijska manifestacija "Odbrana Ilidže II". Zbog epidemije korone i mjera zabrane okupljanja, izostao je dolazak velikog broja građana - boraca i učesnika ove i drugih bitaka, ali i učenika osnovnih i srednjih škola općine Ilidža, koji uvijek za sve poslijeratne godine rado podržavaju i prate ove manifestacije. Delegacija JOB-a položila je cvijeće ispred spomen-obilježja kod Ljetne pozornice.

Ovo je sjećanje na dan kada su naše jedinice teritorijalne odbrane i redovne i specijalne jedinice MUP-a izvršile drugi pokušaj oslobađanja centralnog dijela okupirane teritorije Ilidže u svrhu deblokiranja putne komunikacije: Hrasnica - Ilidža - Stup. Zbog nedovoljne vojne organizovanosti i opremljenosti, ali i suprotstavljanja jakih paravojnih srbočetničkih formacija SDS-a i srpske službe Javne bezbjednosti, te oklopno-mehanizovanih snaga bivše JNA, naše snage su zaustavile napad i vratile se na početne položaje. Ipak, uspjeh je ostvaren u ranim jutarnjim satima 15. maja, kada je u potpunosti zaposjednut rejon Stojčevca, kojeg su pripadnici Četvrte viteške motorizovane brigade branili i odbranili do kraja rata.

Tog 14. i 15. maja 1992. godine herojski su položili svoje živote: Agović Sado, Berilo Edin, Brkić Ivan, Bučan Anes, Čehić Jasmin, Dedić Salko, Džaferović Elmir, Feratović Avdulj, Galešić Jagoda, Granulo Nedžad, Hasanbegović Samir, Hodžić Sead, Holjan Asim, Hrnjičić Smail, Husić Eniz, Husref Ramo, Kahvić Elzedin, Kurdija Husein, Lindov Mujo, Lokvančić Hilmo, Memija Sead, Mulaosmanović Nihad, Mušanović Murat, Muzur Ibrahim, Opanković Haris, Osmanović Ismet, Suljević Rasim i Zorlak Esad.





Obilježena godišnjica bitke za odbranu Stojčevca

U organizaciji Udruženja Drugi motorizovani bataljon i Četvrte viteške motorizovane brigade 15. maja 2020. godine. obilježena je godišnjica odbrane Stojčevca. Na spomen-obilježje Stojčevac, poginulim borcima Harisu Opankoviću, Nedžad Granulu-Gigiju delegacije Općine Ilidža, Četvrte viteške brigade, porodice poginulih i političkih stranaka SDA i Narod i Pravda položili su cvijeće, proučili Fatihu i odali počast i dužno poštovanje svim šehidima i poginulim borcima.

Tog 15. maja 1992. godine nakon povlačenja snaga UN-a, agresor je krenuo u osvajanje Stojčevca najvažnijeg mjesta za odbranu Ilidže, Sarajeva, a i Bosne i Hercegovine. U tome su ih, nakon teških i krvavih borbi, spriječili borci 104. motorizovane brigade Armije RBiH i sačuvali ovaj strateški značajan prostor. Od tog dana svakodnevno su se vodile žestoke borbe sa agresorom za očuvanje ovih teritorija, pa je ovaj datum simbol svih tih bitaka, dan sjećanja na sve šehide i poginule borce koji su dali svoje živote za slobodu i odbranu ove teritorije i cijele Bosne i Hercegovine. Ovaj značajan datum je ujedno i godišnjica formiranja Drugog motorizovanog bataljona Četvrte viteške motorizovane brigade i Dan mjesne zajednice Hrasnica II, JU KSC Hrasnica i Druge osnovne škole.



Obilježeno 28 godina stradanja građana Kasindolske

U organizaciji Udruženja "Žene Kasindolske 92" 14. maja 2020. obilježeno je 28 godina od stradanja/zarobljavanja 42 stanovnika Kasindolske ulice. Delegacije Udruženja "Žene Kasindolske 92", Kantona Sarajevo, Općine Ilidža, mladih SDA, Udruženja Četvrte viteške brigade i Prve samostalne brigade položile su cvijeće na spomen-obilježje u MZ Stup 2 i na mjestu, gdje je planirana izgradnja spomen-obilježja ubijenim.

"Okupili smo se da obilježimo 14. maj - Dan zarobljavanja 42 građanina Kasindolske ulice koji su 1992. zarobljeni od agresora, mučeni u logoru Kula i ubijeni Nakon 10-15 dana boravka u zloglasnom logoru Kula kod Sarajeva odvedeni su u nepoznatom pravcu. Tek nakon 15 godina su pronađeni u masovnoj grobnici na Ravnoj Romaniji. Sahrnjeni su na mezarju Kovači. Mi poručujemo da ćemo tražiti pravdu dokle god smo živi" rekla nam je predsjednica Udruženja "Žene Kasindolske 92" Nisveta Zametica, dodavši kako još uvijek niko nije odgovarao za ovaj zločin.

Predsjedavajući Skupštine Kantona Sarajevo Mirza Čelik i komandant Četvrte viteške brigade Fikret Prevljak poručili su da neće odustati od borbe za pravdu i istinu.

"Cilj je da se sazna istina ko ih je odveo i mi ćemo istražiti u tome i da se poveća znanje i zanimanje novih naraštaja da nikad ne zaborave šta je bilo 14. maja 1992 u Kasindolskoj ulici", zajednička je poruka Prevljaka i Čelika.

Položeno cvijeće na mjesto masakra kod tunela D-B

Delegacija Kantona Sarajevo i Općine Ilidža 7. maja 2020. godine obilježili su godišnjicu pogibije 10 građana kod objekta DB Butmir. Na tom mjestu od eksplozije nekoliko granata ispaljenih s agresorskih položaja iz Lukavice, smrtno je stradalo 10, a teže i lakše ranjeno 11 naših sugrađana.

Živote su izgubili: Aziz Fejić, Zdravko Klačar, Bećir Kovačević, Fahrudin Kurtović, Mensur Smajić, Semir Smajić, Salih Smaka, Rasema Subašić, Vahid Šalaka i Staka Šarenac.





Obilježen “Dan odbrane Ilidže 2”

U organizaciji Udruženja Četvrta viteška brigada, 15. maja 2020. godine održan je tradicionalni Memorijalno-historijski susret „Odbrana Ilidže 2“. Na ovom mjestu 1992. godine vodila se najznačajnija bitka za odbranu ilidžanskih teritorija. Na mjestu bitke kod Ljetne pozornice cvijeće su položili i proučili Fatihu u znak poštovanja i sjećanja na poginule, delegacije Općine Ilidža, Četvrte viteške brigade Koordinacija boračkih udruženja, članovi porodica šehida i poginulih branitelja, te delegacija SDA i Narod i pravda.

Prije 28 godina, na ovom mjestu, dogodio se nezapamćen zločin. Agresor je zaustavio transporter UNPROFOR-a, koji je u Bolnicu “Koševo” prevezio teško ranjene Jagodu Galešić, Anesa Bučana, Seada Hodžića, Ramu Husrefa i Ismeta Osmanovića preko dijela okupirane ilidžanske teritorije, izvukao ih iz vozila te ih zvjerski ubio.

Komadant Četvrte viteške brigade general Fikret Prevljak podsjetio je prisutne na događaje koji su se odvijali 1992. godine.

“Postoje tri zločina. Prvi zločin je zločin prema žrtvi i to se desilo 15. maja 1992. godine prema Anesu Bučanu, Ismetu Osmanoviću, Seadu Hodžiću, Rami Husrefu i prema medicinskoj sestri Jagodi Galešić. Drugi zločin je da se sakriju tragovi o istini i da se ne govori, te da se čeka da dokazi zastare. Treći zločin je da šutimo, ne pričamo o izdaji, da dopuštamo da laž bude glasnija od isatine i da historija ne upiše ovaj tužni zločin. Sjećanje na ovaj događaj čuvat ćemo i prenositi na mlađe naraštaje. Za ovaj zločin niko nije odgovarao, a Kantonalno tužilaštvo vodi istragu protiv 52 lica srpske nacionalnosti koji su u to vrijeme bili na rukovodećim odgovornim pozicijama i u policiji i armiji JNA” rekao je general Prevljak.

Predsjednik Udruženja Četvrta viteška brigada Emir Redžović rekao nam je da je Selma Galešić kćerka pokojne Jagode Galešić, koja je bila ranjena i preživjela taj 15. maj koji nikada nije mogla zaboraviti, preselila i sastala se sa svojom majkom na ljepšem i iskrenijem svijetu. “Sa svojom dvojicom sinova sastao se i otac Hajro Bučan. Nažalost njih dvoje nisu dočekali da vide pravu istinu i da dožive pravdu. Selma je živjela u kolicima sa strahom koji joj je ostao utkan 15. maja i posljednjim molbama majke da joj dijete ne diraju. Zato smo danas ovdje u manjem broju, ali želimo da pričamo o ovom datumu i ne smijemo dozvoliti i dopustiti da se zaboravi ovaj gnusni događaj” dodao je Redžović. Tog četvrtka, slabo naoružani borci, heroji odbrane, stupili su u ratni okršaj sa mnogo jačim naprijeteljem, odlučni u toj borbi da daju i svoje živote.



Obilježen Dan logoraša

Polaganjem cvijeća na centralno Spomen-obilježje Općine Ilidža 12. maja 2020. godine obilježen je Dan logoraša. U znak sjećanja na one koji su preživjeli torture i logore, okupili su se nekadašnji logoraši položili cvijeće i proučili Fatihu.

Delegacija je položila cvijeće i ispred Srednje tehničke škole, grafičkih tehnologija, dizajna i multimedije. Ove godine je Dan logoraša Općine Ilidže obilježen u skladu sa preporukama nadležnih institucija donesenim u cilju sprječavanja pandemije.





AKTIVNOSTI U DOBA CORONE

Pandemija COVIDOM -19 zahvatila je čitav svijet. O lokalnoj samoupravi i njenim jedinicama - gradovima, opštinama, mjesnim zajednicama - često se govori, ali se čini da ljudi njihov značaj prepoznaju tek u kriznim situacijama kakva je epidemija virusa COVID-19. Upravo tada se najbolje može vidjeti značaj koji imaju lokalna samouprava i njeni organi, lokalna javna preduzeća, ustanove, institucije i sl.

Ilidža dobila tunel za dezinfekciju

Zahvaljujući donaciji firme Bios i Ado Trans Općina Ilidža je dobila tunel za dezinfekciju. Ispred Doma zdravlja Ilidža 9. aprila postavljen je tunel za dezinfekciju, kroz koji je sada obavezan prolaz prije ulaska u ovu ustanovu, kako za pacijente tako i za zdravstvene radnike. Svi koji ulaze u Dom zdravlja Ilidža uključujući i zaposlene dužni su proći kroz tunel što će uz trijažu koju svakodnevno vrše naši medicinski radnici na punktu značajno smanjiti rizik od unošenja virusa u ovu ustanovu.

Načelnik Općine Ilidža prof.dr. Senaid Memić i generalni direktor JU Dom zdravlja Kantonsa Sarajevo Muhamed Ahmić zahvalili su na humanom gestu firmama Bios i Ado trans.



Održana sjednica Općinskog štaba CZ

Na sjednici Općinskog štaba Ilidža održanoj 25. marta 2020. rečeno je da su poduzete sve moguće preventivne mjere kako bi se suzbilo širenje corona virusa, te da se na terenu svakodnevno prati situacija, uz poruku građanima da poštuju upute i naredbe nadležnih institucija. Jedan od zaključaka sa ovog sastanka je i da je potrebno angažovati Službu zaštite i spašavanja sa visina i nepristupačnih terena formiranu u Udruženju „Gorska služba spašavanja i streljački klub Ilidža“, Službu zaštite i spašavanja od požara formiranu u VD „Ilidža“ Ilidža, Službu zaštite i spašavanja za čistoću i sanaciju terena formiranu u JP „Ilidža“, radi ponovne dezinfekcije svih javnih objekata i vanjskih površina na području općine Ilidža. Krizni štab donio je i sljedeće zaključke:

- Obezbeđuje se prostor u zgradi MZ Stupsko brdo, prostor iznad mjesne zajednice za izolaciju ljudi koji krše kućnu samoizolaciju;

- Postupiti po preporukama epidemiologa dr. Enesa Šaćića i izvršiti nabavku potrebnog sanitetskog materijala neophodnog za borbu protiv nastale pandemije.

- Angažovati Savjete MZ da sa volonterima općine Ilidža budu na raspolaganju Štabu civilne zaštite radi pružanja svakog vida pomoći ugroženim građanima općine Ilidža.

- Obezbijediti dva kontejnera za trijažu i iste ustupiti Domu zdravlja Ilidža.

- Tražiti od Doma zdravlja Ilidža da dostave podatke o trenutnom stanju osoblja u Domu zdravlja, koliko ih je u izolaciji i koje su im osnovne potrebe za ljudstvom i materijalnim sredstvima.

Građanima je upućen apel da budu ODGOVORNI prema sebi i prema drugima. ODGOVORNOST uključuje poštivanje svih izdatih uputa od strane relevantnih institucija, pravovremeno informisanje o potrebnim koracima i eliminisanje svakog oblika panike.

Sprovedene hitne mjere dezinfekcije

Prema izvještaju Službe zaštite i spašavanja za čistoću i asanaciju terena formirane u JP Ilidža na području općine Ilidža 20.marta sprovedene su hitne mjere dezinfekcije.

Hitna dezinfekcija izvršena je na Terminalu, oko taksi štanda, ulica Rustempašina, Mala aleja, Prva osnovna škola, Četvrt gimnazija prostor oko Općine i Merkatora, te Centra za socijalni rad. Dezinfikovani su i prostori oko MZ Lužani i džamije u ovoj MZ, prostor oko MZ Vrelo Bosne, Vreoca i Vlakovo, oko Sedme osnovne škole, igralište, prostor kod džamije. Urađena je dezinfekcija i u MZ Rakovica, prostor oko MZ i ambulate, džamije i igrališta. Dezinfekcija je izvršena i u naseljima Osijek i to prostor oko MZ, škole, džamije, crkve, ambulate i igrališta. Radnici JP Ilidža dezinfekciju su vršili i u Otesu i to prostor oko MZ, ambulate, džamije, te prostor oko škole. U MZ Centar završena je dezinfekcija prostora oko MZ, škole, džamije i igralište. Dezinfekcija je izvršena i u MZ Stup: prostor oko MZ, ambulate, igralište, crkve, džamije Bačići kao i oko Katoličkog školskog centra. U naselju Stupsko brdo završena je dezinfekcija oko MZ, prostor igrališta, kao i u MZ Stup II, prostor igrališta i ambulate. U Butmiru je dezinfikovani prostor oko MZ, Osme osnovne škole “Amer Čenanović”, igralište, džamija i oko poligona.

U MZ Sokolović- Kolonija dezinfekcija je izvršena oko MZ, ambulate, obje džamije, igralište na novoj cesti prema Mostu spasa, oko Pete osnovne škole kao i igralište kod škole. Ekipe su još na terenu i rade po naredbi Općinskog kriznog štaba civilne zaštite.



OBRAĆANJE NAČELNIKA

Situacija u borbi protiv virusa zavisi od svih nas

Upovodu trenutne situacije i na osnovu savjeta struke smatram da je korisno obratiti se stanovništvu Ilidže. Molimo vas da trenutnu situaciju prihvatite kao krajnje opasnu i rizičnu. Pozivamo na racionalno ponašanje, ne dozvolite da panika i nervoza upravlja vama i molimo vas da preporuke odgovornih štabova i ljudi izvršavate striktno. Nakon pojave slučajeva zaraze na našem području, pozivamo sve koji su imali kontakta i pretpostavke da su imali kontakte sa zaraženim, stave se u apsolutnu izolaciju i da u okviru mogućnosti smanje kontakte i sa vlastitom porodicom, pogotovo sa djecom i starima, te da obavijeste nadležne općinske i medicinske službe da su poduzeli mjere izolacije (karantin). Prestanite upražnjavati sve oblike društvenih kontakata i nemojte ići ni na sahrane ni na bilo kakve skupove bez obzira na stanje zaraze. Ukoliko ste u mogućnosti prestanite sa svim ličnim kontaktima kako bi pomogli presjeći lanac geometrijske progresije u širenju zaraze. Kontakte obavljajte iz kuće putem telefona, interneta i maila. Molimo vas za strpljenje ukoliko imate određene probleme u organizovanju vlastitog života jer se trudimo da u nedostatku opreme i sredstava sustignemo nivo da možemo svima pomoći da smanjimo opasnost. Situacija sa širenjem bolesti zavisi od svakog pojedinca i ukoliko nam se budu dešavali propusti (poput 24.03.2020.godine, Dom zdravlja) produžiti ćemo bolest, povećati broj inficiranih i napraviti nenadoknadive štete. U ovome što tražimo od vas prihvatite da su molbe za pažnju i ozbiljnost ujedno i naredbe da se poduzme u okviru mogućnosti i više od toga sve što će pomoći stanovništvu.

Ostajte kući, budimo odgovorni, proći će. Pokazali ste odnos prema zajednici. Ponosni smo na svoje stanovništvo.

Hvala privrednicima koji svakodnevno nude pomoć

Kako se svakodnevno javljaju privrednici s područja Općine Ilidža da pomognu u novonastaloj situaciji, načelnik Općine Ilidža prof.dr. Senaid Memić izražava zahvalnost svima koji tim gestovima pokazuju humanist, solidarnost al ii veličinu.

“Zahvaljujemo se privrednicima koji na vlastitu inicijativu nude svoje resurse i materijalna sredstva za pomoć u borbi protiv zaraze. Svi veći privrednici i mnogi koji imaju manje biznise u ovim momentima nude svoju saradnju i pomoć. Koristim ovu priliku da im se zahvalim i da ih zamolim da pokušamo zajedno racionalno upravljati sredstvima sa kojima oni nama a vjerovatno i mi njima trebamo da pomognemo” rekao je načelnik Memić.

Zajednička borba Općine Ilidža i Istočna Ilidža u borbi protiv COVID-19

Na poziv načelnika Istočne Ilidže Marinka Božovića s načelnikom Općine Ilidža prof.dr. Senaidom Memićem dogovorena je zajednička saradnju rješavanja probleme koji se mogu pojaviti na terenu, pojavom corona virusa.

“Pozivam stanovnike Vojkovića, Kotarca, Dobrinje, Kasindola da prihvate da se podaci iznose kakvi jesu i da nema mjesta panici, a pogotovo da nema potrebe za zatvaranje kretanja u slučaju potreba između naših općina. Materijalno-tehnička sredstva koja imamo na raspolaganju u Općini Ilidža spremni smo dati u slučaju potrebe i za ove dijelove Sarajeva” rekao je načelnik Memić.



Otvorena linija 24 sata

Općina Ilidža izdvojila je novčana sredstva za kupovinu prehrambenih paketa kao jednu od prvih mjera, a za pomoć socijalno ugroženim kategorijama stanovništva.

Podjela će se vršiti prema uputama Općine, putem Savjeta MZ. Također, organizovani su i volonteri koji će biti na usluzi za građane kojima je potrebna bilo kakva vrsta pomoći, a prvenstveno se misli na bolesne i one u stanju socijalne potrebe.



Uručeni paketi romskim porodicama

Sedam romskih porodica koje žive u nekadašnjem objektu, ruševinama Šumarske škole u ulici Karla Maja 14, 23. marta 2020. je obradovao načelnik Općine Ilidža prof.dr. Senaid Memić.

Povodom teške situacije uzrokovane pojavom virusa korona, načelnik Memić uručio je pakete prehrambenih artikala najugroženijim stanovnicima općine Ilidža.

“O njima nema niko da brine, oni su najugroženiji. Iako sam i ranije apelovao na sve organe vlasti da se iznađe neko rješenje za ove ljude, niko nije poveo računa. Nisu zaboravljeni, mi smo tu” rekao je načelnik Memić.

Romi su bili iznenađeni posjetom jer su teško mogli povjerovati da će im iko pokucati na vrata i donijeti pomoć. Zajedništvo, suosjećanje, humanost, samo su neki od pozitivnih vrijednosti koje je uspjela uzrokovati pojava corona virusa. Nema više malih, nema velikih, svi smo skupa u ovoj borbi!



Penzionerima podijeljeno 1900 maski

Naredbom načelnika Općine Ilidža prof.dr. Senaida Memića 6.aprila Civilna zaštita uručila je 1900 pamučnih maski bankama i poštama.

Maske su podijeljene penzionerima na ulazima u banke i pošte, gdje se vrši isplata penzija.

Od 7 sati do 12 sati u FBiH, stariji od 65 moći će, nakon 16 dana, izaći iz svojih domova kako bi podigli penzije i obavili neophodne aktivnosti.



I dalje se vrši dezinfekcija svih kritičnih tačaka

Formacije pri Civilnoj zaštiti Općine Ilidža, JP “Ilidža”, Gorska služba spašavanja i Vatrogasno društvo i 27. marta su na terenu i poduzimaju preventivne mjere, kako bi suzbili širenje koronavirusa.

JP “Ilidža” izvršilo je dezinfekciju oko Doma zdravlja Ilidža, zatim svih ulica u Hrasnici, Sokolović-Koloniji, Butmiru, Donjem Kotorcu, a u toku je dezinfekcija u Maloj aleji, Pejtonu, Lužanima. Radi se i u MZ Stup I i II, Otes i Stupsko brdo.

Gorska služba spašavanja “Ilidža” vrši dezinfekciju kriznih tačaka i to Pošte, Policijske uprave, oko MZ, ambulantni u MZ, apoteka, a vrše i dezinfekciju pojedinih ulica. Sa topovima dezinfekcije rade i u urbanom djelu oko naselja Tibra I i II.

Vatrogasno društvo “Ilidža” provodi trenutno dezinfekciju u Osjeku, Vreocama, Vrelu Bosne, Rakovici i Blažuju.



Donacija 20 paketa djeci sa posebnim potrebama

Diplomatsko predstavništvo Republike Azerbejdžan u Bosni i Hercegovini doniralo je 20 paketa sa prehrambenim namirnicama Općini Ilidža, kako bi pomogli onima kojima je pomoć te vrste potrebna u ovim momentima.

Općina će te pakete uručiti Centru za odgoj, obrazovanje i rehabilitaciju “Vladimir Nazor” odnosno porodicama djece sa posebnim potrebama.





Obraćanje načelnika Memića na press-konferenciji Vlade Kantona Sarajevo

Načelnik Općine Ilidža prof. dr. Senaid Memić je 20. aprila 2020. na redovnoj press-konferenciji Vlade i Štaba civilne zaštite Kantona Sarajevo informisao javnost o aktivnostima i mjerama koje su provedene u ovoj općini, a tiču se mjera za prevenciju i suzbijanje epidemije koronavirusa.

„Do sada je općina dva puta dezinfikovala sve javne površine, a u potpunosti se kontinuirano odazivamo i pratimo upute i naredbe svih institucija sistema” izjavio je načelnik Memić.

On je istakao i dobru saradnju sa Domom zdravlja, kao i sa policijskim strukturama.

„Očekujemo da ćemo brzo dobiti propise koji će dozvoliti da se na nekim mjestima relaksiraju određene zabrane, ali da ne bude štete po zdravlje stanovnika. Iskustvo koje smo stekli nam govori da sistem upravljanja ovakvom situacijom mora biti kao vojni sistem, gdje nema komentarisanja naredbi nego se one izvršavaju”, dodao je načelnik Memić.

Prema njegovim riječima Općina Ilidža uvijek je spremna da sve svoje materijalne i kadrovske resurse stavi u funkciju zajedničke borbe protiv ove epidemije.

Do sada je ova općina podijelila po 20 hiljada zaštitnih maski i rukavica, više od pet hiljada zaštitnih odijela i kapa sa zaštitom.

„Sve što je trebalo uraditi mi smo to uradili i 48 sati prije nego se donio propis o obavezi njegovog provođenja.

Podjela paketa građanima u stanju socijalne potrebe

Jedna od mjera koju Općina Ilidža realizuje u toku borbe protiv širenja i suzbijanja koronavirusa COVID-19 jeste i podjela paketa sa osnovnim životnim namirnicama: so, šećer, ulje, tjestenine, supe, konzerve, kafa, osobama u stanju socijalne potrebe. Nabavljeno je 400 paketa koji se dijele na kućna vrata.

Do sad je podijeljeno 220 paketa, a dijele ih sekretari MZ i volonteri.

S obzirom da su potrebe na terenu mnogo veće, jedna od odluka načelnika Općine Ilidža koji je i komandant Općinskog štaba civilne zaštite je nabavka još 400 paketa.



Ponosni smo na sve naše stanovnike koji prate i poštuju sistem i naredbe u ovim okolnostima. Podijelili smo i 600 paketa socijalno ugroženim, rekao je Memić.

Općinski Štab civilne zaštite ima cjelodnevno dežurstvo, te se sastaje po potrebi.

Načelnik je, ovom prilikom pohvalio i službe koje se nalaze u sastavu CZ: Gorska služba spašavanja JP Ilidža, te vatrogasci. Svoj doprinos dao je i Crveni križ.

Domu zdravlja na Ilidži je obezbijeden centar za trijažu, te dezinfekcioni tunel.

Kako je istakao načelnik Memić, privrednici u ovoj općini jako puno pomažu.

„Dolaze ljude i nude da kupe maske, odijela, hemijska sredstva. Oni se ponašaju upravo onako kako se od njih očekuje, nisu uplašeni, ne šire paniku. U ovoj situaciji najbolji lijekovi za sve su poslušnost i strpljenje”, rekao je načelnik Memić.

Paketi za 20 starijih osoba korisnika javnih kuhinja

„Akcija protiv diskriminacije po osnovu godina” projekt je koji finansiraju Evropska unija, a provodi konzorcij koji čine humanitarna organizacija „Hilfswerk Austria International”, Udruženje za pomoć i razvoj „Hajde”, „Partnerstvo za javno zdravlje te Društvo Crvenog križa/krsta BiH u saradnji sa lokalnim zajednicama. Evropska unija je u vrijeme pandemije COVID-19 omogućila u okviru ovog projekta pomoć osobama starijim od 65 godina. Osigurani su paketi hrane i higijenskih sredstava za te osobe, koje su većinom korisnici javnih kuhinja. Općina Ilidža je od ove organizacije dobila 20 paketa kojima će obradovati osobe koji su u stanju potrebe za podršku ove vrste.

Podijeljeno još 150 paketa

Općina Ilidža osigurala je još 150 paketa za socijalno ugrožene porodice sa područja ove općine. Sve ove aktivnosti se provode u okviru programa interventne pomoći za najugroženiju populaciju. U toku je nabavka još 250 paketa.





Peta sjednica Općinskog štaba CZ

Peta vanredna sjednica Općinskog štaba civilne zaštite Ilidža održana je 19. maja u Općini. Mira Boras pomoćnica načelnika za poslove civilne zaštite upoznala je članove štaba sa aktivnostima koje su poduzete tokom pandemije uzrokovane koronavirusom u periodu od 25. februara do 15. maja.

Komandant štaba civilne zaštite, načelnik prof.dr. Senaid Memić istakao je kako su poduzete sve mjere ublažavanja posljedica COVID19 u tom periodu. Osiguran je neometan rad općinskog organa uprave u dežurama, tako da su građani mogli ostvariti svoja prava, a poduzete su mjere preventive i zaštite građana na cijelom prostoru općine. Izvršena je dezinfekcija i čišćenje svih javnih površina, stambenih kompleksa, ulaza... Podijeljeno je oko 7000 maski. Domu zdravlja Ilidža obezbijeđen je kontejner za trijažu, a i tunel za dezinfekciju. Onima kojima je najpotrebnije, a koji su se javili na otvorenu telefonsku liniju da su u stanju socijalne potrebe podijeljeni su paketi na kućna vrata. Za ove namjene općina je obezbijedila 450 paketa, a u procesu javne nabavke je još 250. Štab civilne zaštite putem Crvenog križa podijelio je još 270 paketa. Svoju solidarnost i društvenu odgovornost pokazali su brojni privatnici dijeleći pakete, brašno i krompir za socijalno ugrožene, a i vizire, maske i sredstva za dezinfekciju. Komandant štaba, načelnik Memić je zahvalio svim privrednicima s područja općine Ilidža koji su pomogli novonastaloj situaciji, koji su tim gestovima pokazali humanost, solidarnost ali i veličinu.

Heco komerc donirao je tonu krompira, Brajlović d.o.o. 10.000 KM Domu zdravlja Ilidža, zahvaljujući donaciji firmi Bios i Ado Trans Općina Ilidža je dobila tunel za dezinfekciju, kontejner za trijažu koji je služilo kao ambulanta donacija je Bosmana. Enes Čorbo član štaba rekao je da su putem sekretara mjesnih zajednica na kućna vrata podijeljeni paketi. Prema njegovim riječima pakete za socijalno ugrožene donirali su: Hoša komerc 60, diplomatsko predstavništvo Republike Azerbejdžan u BiH 20, organizacija Katara Al Kahira 50 paketa, Švicarski karitas 94 paketa, što je što je u novčanom iznosu oko 21.600KM.

Mira Boras je upoznala članove štaba civilne zaštite sa izmjenama i dopunama plana korištenja sredstava ostvarenih po osnovu posebne naknade za zaštitu od prirodnih i drugih nesreća za 2020. godinu i period 2020.-2022. godina, te istakla da su svi nivoi vlasti u Federaciji BiH, a u skladu sa uputama Federalne uprave civilne zaštite, nabavku zaštitne opreme i dezinfekcijskih sredstava, te ostale nastale troškove plaćali sa stavke preventivne mjere, do proglašenja stanja nesreće, te je planirano 30.000KM na tu stavku. Tender za nabavku radne mašine Unimog je poništen, a u toku je žalbeni postupak.

Mirsad Sarajkić član štaba, istakao je da je Komisija za procjenu šteta od prirodnih i drugih nesreća u aprilu zaprimila dva zahtjeva za procjenu štete na stambenim objektima. U oba slučaja radi se o požaru. Komisija je izlazila na teren i utvrdila da je na kući u ulici Mejdan br. 25 usljed požara pričinjena materijalna šteta u iznosu od 3.543,00KM, a na kući u ulici Bistrički put br.195, pričinjena šteta je također od požara, a materijalna šteta je 9.250,00KM. Obećano je iznalaženje pomoći za ove porodice.

Sarajkić je upoznao prisutne da su u toku još brojni pozivi građana koji traže pakete, na što je načelnik odgovorio



da će Općina Ilidža obezbijediti sredstva za nabavku paketa pomoći u hrani za sve porodice koje su se prijavile, te da se evidentiraju prijave do 24. maja.

Dom zdravlja Ilidža i Peta policijska uprava izrazili su zahvalnost Općini Ilidža na pruženoj podršci za vrijeme trajanja pandemije uzrokovane koronavirusom.

Štab civilne zaštite usvojio je izvještaj o aktivnostima općinskog štaba tokom pandemije za period od 25. februara do 15. maja, usvojena je i izmjena i dopuna plana korištenja sredstava ostvarenih po osnovu posebne naknade za zaštitu od prirodnih i drugih nesreća za 2020. godinu, kao i plan korištenja sredstava naknade za zaštitu i spašavanje Općine Ilidža za period 2020.-2022. Također usvojena je izmjena i dopuna plana korištenja sredstava ostvarenih po osnovu naknade za izgradnju i održavanje skloništa i zaklona za 2020.godinu kao i plan korištenja sredstava naknade za izgradnju i održavanje skloništa općine Ilidža za 2020.-2022. godinu.

Dezinfikovana skloništa i muzej Četvrtke viteške motorizovane brigade

Pripadnici Civilne zaštite Općine Ilidža su od 12.-18. maja 2020. godine izvršili dezinfekciju prostora skloništa koji je u vlasništvu općine. Dezinfekcija je obavljena i u muzeju Četvrtke viteške motorizovane brigade, kao i prostora Službe civilne zaštite za spašavanje ukupne površine 5300 metara kvadratnih.





Crveni križ u službi humanosti

Od 20. marta 2020. godine, kada je donesena odluka o zabrani kretanja za mlađe od 18 i građane starije od 65 godina, Crveni križ Ilidža je pokrenuo brojne aktivnosti, kako bi pomogli građanima u ovoj situaciji.

Prvenstveno se pomoć odnosila na obavljanje kupovine i odlazak u apoteku po lijekove za starije građane koji nemaju srodnika. Pored toga odgovorili su i na druge zahtjeve: odlazak u ustanove socijalnog i zdravstvenog zbrinjavanja, dostava dokumenata, ostavljanje pošiljki u poslovnice BH Pošte, dostavljanje nalaza sa KCUS za teško oboljele i slično.

Građanima u stanju socijalne potrebe koji su se opravdano obratili za pomoć podijeljeni su paketi. Od 20. marta podijeljeno je 15 paketa hrane i 15 higijenskih paketa.

Aktivnosti se provode uz podršku sekretara Mjesnih zajednica, koji ih informišu o lokacijama i socijalnoj karti građana. U aktivnosti se uključilo 20 volontera.

Građanima odgovaraju na upite o odlukama i mjerama kriznih štabova i pružaju pomoć u vidu ostvarivanja kontakata sa traženim ustanovama, a činit će to i ubuduće.



Ljubav u doba corone

Vjenčanje je jedan od bitnijih datuma u životu svakog čovjeka. Danas, kada se nalazimo u jeku pandemije koronavirusom, izgleda da to ne sprječava one koje se vole da stanu na "ludi kamen."

Amar Fatić i Una Suljić odlučili su svoju ljubav krunisati brakom u Općini Ilidža. Bez svatova, bez pompe, bez velikih zahtjeva u doba korone, kada je čini nam se čitav svijet stao, oni nisu, oni zajedno dalje žele i hoće kroz život.

Oni su rekli da, svojoj ljubavi. Ovaj par odlučio se vjenčati u jeku pandemije koronavirusa, kada su zabranjena svaka okupljanja. Ispoštavali su svoju ljubav, kao i sve mjere na nivou Federacije BiH koje su donesene. Prije potpisa, slijedila je dezinfekcija i prostora i ruku. Svoje da izrekli su u predmatičarem Općine Ilidža i u prisustvu kumova i fotografa.

Sretno!



Dezinfekcija kompleksa "Tibra"

Na osnovu mjera za sprječavanje širenja pandemije koronavirusa, Štab civilne zaštite Općine Ilidža 10. aprila je nastavio sistemsku dezinfekciju u kompleksu stambenog bloka „Tibra Pacifik.“

Ove aktivnosti je sprovela Služba zaštite i spašavanja formirana u JP „Ilidža“, koja će izvršiti dezinfekciju svih javnih površina, a prije prskanja sredstvima prethodilo je pranje i čišćenje ulica kako bi sve ovo što se uradi imalo efekta. Kako je rečeno, dezinfekciona sredstva nisu opasna po život ljudi i životinja, ali su ipak zamolili građane da budu u domovima kako bi se sve provelo što efikasnije.



Podijeljeni novčani vaučeri romskim porodicama

Uz podršku Švicarske vlade i privatnih donacija, Caritas Švicarske je pružio interventnu pomoć za romske porodice koje žive na području općine Ilidža. Globalna pandemija COVID-19 posebno je pogodila ovu socijalno najranjiviju populaciju. Oni većinom žive na ivici siromaštva. Općina Ilidža sarađivala je uspješno s Caritasom Švicarske na drugim projektima, a u ovim momentima zajednički cilj je pomoći ovim ljudima.

Caritas je obezbijedio novčane vaučere koji se mogu potrošiti u Konzumu za 92 romske porodice. Putem MZ-a 8. maja 2020. podijeljeni su vaučeri. Alma Seferović majka sedmero djece izrazila je zahvalnost za dobijeni vaučer.

“U ovim situacijama malo je njih koji su se sjetili nas. Hvala Općini i Caritasu” rekla je Alma Seferović.



Crveni križ Ilidže i dalje na terenu

Crveni križ Ilidža je i u aprilu nastavio aktivnosti pomoći stanovništvu Ilidže usljed situacije uzrokovane pandemijom COVID 19.

Volonteri su obišli više od 70 osoba koje su zatražile pomoć u nekom obliku: nabavka osnovnih životnih namirnica, odlazak po lijekove za građane koji imaju više od 65 godina i nemaju srodnika, plaćanje računa, obavljanje različitih administrativnih usluga, dostavljanje terapija za onkološke pacijente sa KCUS i slično.

Pored toga, zaprimljen je veliki broj zahtjeva za humanitarnom pomoći, na koje su odgovorili u skladu sa trenutnim mogućnostima, te je građanima podijeljeno više od 70 paketa hrane i 15 higijenskih paketa.

Također, volonteri su na ulicama Ilidže vršili podjelu zaštitnih maski i rukavica građanima i to u periodu najveće frekvencije građana treće životne dobi koji su izašli da podignu penzije. U aktivnosti je uključeno 23 volontera. Aktivnosti su se provodile uz podršku sekretara Mjesnih zajednica u vidu informisanja o lokacijama i socijalnoj karti građana.

Olakšice za privrednike kojima je bio zabranjen rad

Usljed nastale situacije i ogromnih gubitaka privrednika kojima bio zabranjen rad, između ostalog i ugostiteljstvu, a posebno zbog činjenice da su zbog toga mnogi ljudi izgubili radna mjesta, Općina Ilidža u svojoj izmjeni i dopuni budžeta predviđjela mjeru snošenja troškova zakupa poslovnih prostora i javnih površina u ukupnom iznosu, za pravna i fizička lica.

U cilju olakšavanja poslovanja privrednim subjektima u Općini Ilidža i sprečavanja otpuštanja radnika zbog smanjenja obima posla i prometa, načelnik prof.dr Senaid Memić uputio je prijedlog Općinskom vijeću da se poduzmu mjere, prema kojima će se svim zakupcima poslovnih prostora, koji su u vlasništvu Općine, snositi troškovi plaćanja (mart-pola iznosa, a april ukupni iznos) zakupnine.

“Pandemija stvara nova pravila i obrasce ponašanja. Svjesni smo koliko su pogođeni privrednici, a i građani, pa sam predložio da od 18. marta do 31. maja, odnosno za cijeli period trajanja nesreće općina snosi troškove zakupa onima kojima je zabranjen rad” rekao je načelnik Memić. Općina Ilidža je za ove namjene predviđjela 80.000 KM.

Projektom intenzivne poljoprivredne proizvodnje protiv pandemije

Općina Ilidža, kao socijalno osjetljiva ustanova, ustupila je na korištenje 30.000 kvadratnih metara neiskorištenog zemljišta u Sokolović-Koloniji u vlasništvu općine, JP PD Butmir za sjetvu, kao jedan od načina ublažavanja posljedica pandemije corona-virusa. Zemljište će se iskoristiti u cilju povećanja poljoprivredne proizvodnje, kako bi se nadomjestila eventualna nestašica poljoprivrednih proizvoda za najugroženije socijalne kategorije, a koji su i najviše pogođeni trenutnim stanjem.



Prema riječima načelnika Općine Ilidža prof.dr. Senaida Memića prvobitna namjera bila je da se stanovnicima koji izraze želju za poljoprivrednom proizvodnjom dodjeli po jedna poljoprivredna obradiva cjelina od oko 300 metara kvadratnih, kako bi svojim radom imali korist za sebe i svoje porodice.

S obzirom da je sezona sijanja na izmaku, odlučeno je da se predmetno zemljište ustupi PD Bumir, isključivo u cilju poljoprivredne obrade, čime će se isto efikasnije, ekonomičnije i potpunije iskoristiti.

Uvažavajući dugogodišnju uspješnu saradnju, PD Butmir će imati obavezu da određenu vrijednost usjeva podjele socijalno ugroženom stanovništvu. Smatramo da je na ovaj način predmetno zemljište maksimalno iskorišteno i da će, imajući u vidu da se radi o velikoj površini, osjetno se pomoći najugroženijim kategorijama društva, u onom trenutku kada im bude i najpotrebnije.

Ostani kući, budi odgovoran

Pandemija koronavirusa napravila je pometnju širom svijeta. Stručnjaci širom planete apeluju na građane da se izoluju i ostanu kući. Firma Mn medija besplatno je građanima Ilidže poslala poruku. Hvala ovoj firmi!





Heco donirao tonu krompira

Pandemija koronavirusa uvela je vanredno funkcionisanje na svim područjima društvenog djelovanja, pa tako i na području Ilidže. U ovom ozbiljnom vremenu pokazalo se da dobra volja, humanost, zajednički trud i angažovanost mogu učiniti mnogo za olakšanje života i egzistencije mnogih naših sugrađana.

Pored primjera Seje Brajlovića, koji je donirao 10.000 KM Domu zdravlja Ilidža, 3. aprila svoju veličinu i humanost pokazao je i Sead Heco, ilidžanski poduzetnik.

On je nastojao, kao i uvijek do sad, da svoju pomoć pruži i prilagodi se izazovima vremena. Imajući u vidu da je mnogo onih kojima je pomoć u hrani neophodna, odlučio se da donira krompir. Poklonio je tonu krompira Općini Ilidža, koja će potom dijeliti onima kojima je pomoć i neophodna. "Svjedoci smo da veliki broj naših građana je u stanju socijalne potrebe, moja solidarnost je samo mali doprinos da kažemo kako zajedničkim sangama trebamo pomoći svima koji se sada nalaze u teškoj situaciji, usljed pandemije koronavirusom" rekao nam je Heco. Općina Ilidža je obezbijedila i pet tona brašna.

Naime, brašno i krompir djelit će se građanima koji se nalaze u stanju socijalne potrebe.

Općina Ilidža podijelila je 400 paketa sa prehrambenim namirnicama, a volonteri i sekretari MZ dostavljat će i po 5 kilograma brašna i tri kilograma krompira, onima koji su dobili i pakete sa prehrambenim proizvodima. Hvala Seji Heci!

Zond donirao 1000 pamučnih maski, a Sinkro 500 maski

Kako bi dale svoj doprinos u novonastaloj situaciji, firme "ZOND" i "Sinkro" 3. aprila donirali su Općini Ilidža zaštitne maske i hirurške mantile.

Firma ZOND je donirala 1.000 pamučnih maski i 20 hirurških mantila, dok je firma Sinkro danas uručila 500 pamučnih maski. Ova bh. kompanija je i ranije Općini Ilidža donirala 260 maski.

Kako su nam rekli, maske su za višekratnu upotrebu jer se mogu prati na temperaturi od 90 stepeni i ponovo koristiti, te je ovo samo mali doprinos i solidarnost u ovim momentima. Hvala firmama Sinkro i Zond!



Podijeljeno 200 paketa RVI

Širom svijeta, tako i Bosne i Hercegovine vlada pandemija koronavirusa, koja najviše pogađa ranjive kategorije društva. S ciljem suzbijanja koronavirusa donesene su mnogobrojne sigurnosne mjere, a socio-ekonomska pomoć je itekako potrebna. U teškim vremenima, poput ovog, najpotrebnije je iskazati podršku, solidarnost i empatiju međusobno, a posebno onima koji se nalaze u nezavidnoj situaciji.

Iako su mnogobrojni problemi sa kojima se susreću kategorija stanovništva ratnih vojnih invalida, najteže im pada kada se osjećaju napušteno i bespomoćno.

Trenutno su na području Bosne i Hercegovine na snazi zabrane kretanja onima kojima imaju više od 65 godina, te se apelira i preporučuje građanima da ne napuštaju svoje domove, potrebno je pružiti podršku i najosjetljivijoj kategoriji našeg društva - ratnim vojnim invalidima. Ova kategorija društva nije samo ugrožena zbog socio-ekonomskih razloga, već i zbog zdravstvenog stanja, kako fizičkog, tako i mentalnog zdravlja. Psiholozi smatraju da je jako važno očuvati mentalno zdravlje u doba pandemije, ali i da su osobe sa posttraumatskim poremećajem jako ugrožene zbog potencijalne retraumatizacije.

Udruženje RVI Ilidža su imali namjeru da iskažu svoju podršku i solidarnost, te su na području općine Ilidža podijelili 200 paketa ratnim vojnim invalidima različitog stepena invaliditeta (od 20 do 60 posto), koji ne ostvaruju nikakva primanja. Na kućna vrata ovih 200 ljudi dostavljeni su prehrambeni paketi sa osnovnim životnim namirnicama.

Kako su istakli iz udruženja RVI, ovim činom žele poručiti svojim članovima da nisu zaboravljeni, da se nadaju da su im bar malo olakšali svakodnevnicu. Još jednom su pozvali sve svoje članove da se pridržavaju uputa i ostanu kući, jer je cijeli svijet suočen s nevidljivim neprijateljem, koji ostavlja velike posljedice, a za ovu kategoriju COVID-19 bi bio koban.

Lamper donirao 100 zaštitnih vizira

Općina Ilidža dobila je na poklon 100 zaštitnih vizira od firme Lamper. Viziri će biti podijeljeni strukturama civilne zaštite, dok će ostatak služiti za potrebe Općine.

"Ovo je lijepa gesta i moram se zahvaliti firmi Lamper koja je prepoznala momenat za solidarnost i humanost te pokazala društvenu odgovornost" kazao je načelnik Općine Ilidža prof.dr. Senaid Memić.



Donirana dva kontejnera Doma zdravlja

Ispred Doma zdravlja na Ilidži, 26. marta 2020 postavljena su dva kontejnera koji će služiti medicinskom osoblju ove ustanove za trijažu pacijenata. Na tom kontrolnom punktu dežurati će liječnik i medicinska sestra, koji će obavljati osnovnu trijažu svih pacijenata koji žele ući u prostorije Doma zdravlja. Kontejner je na inicijativu Općine Ilidža donirala firma Bosman. Dr. Enes Šaćić, predstavnik ove javne ustanove izrazio je zahvalnost svima, koji herojima u bijelom, pomažu i olakšavaju posao.

“Hvala Općini Ilidži koja nam je pritekla u pomoć u ovim teškim trenucima. U kontejnerima će se ubuduće vršiti pregled pacijenata kako bi se spriječio ulazak koronavirusa u prostorije Doma zdravlja. Znači, svi da je u izolaciju otišlo 31 iz našeg Doma zdravlja, što će svakako otežati rad Doma zdravlja na Ilidži. Upravo na ovom slučaju se pokazuje ispravnost naših stalnih apela, koje već sedmicama upućuju sve zdravstvene ustanove u Sarajevu, a to je da ljudi sami prijavljuju svaki svoj kontakt koji bi ih mogao dovesti u vezu sa koronavirusom. Također, prvo zdravstvene ustanove kontaktirajte telefonom, a nemojte samo doći, kako bi se i doktori mogli pripremiti za preglede u takvim slučajevima i da se ne bi nepotrebno izlagali eventualnoj opasnosti da i sami budu zaraženi. Najgori mogući scenario u vrijeme ovakvih situacija je da se zaraza “uvuče” među medicinske radnike, jer ako oni budu zaraženi, ko će pomagati ostatku stanovništva” rekao je dr. Šaćić.

On je dodao da su sad prioritet pacijenti koji su febrilni, trudnice, hronični bolesnici i djeca.

Načelnik Općine Ilidža prof.dr. Senaid Memić istakao je kako se svakodnevno poduzimaju sve mjere oko prevencije i pravovremenog reagiranja na pojavu pandemije koronavirusom, te izrazio saučešće porodici preminule prve žrtve koronavirusom na Ilidži

“Ovo je takav izazov da je potrebno reagirati odmah. Svaka minuta mijenja okolnosti i sve što treba obaviti sad ne ostavlja se za poslije. Kontejnere koji će služiti kao ambulanta smo dobili od Bosmana i mnoge firme se nude da nam pomognu kao lokalnoj zajednici da prevaziđemo i na neki način se suprodstavimo ovom virusu” dodao je načelnik Memić.

U momentu kad se istovarao kontejner dosao je i ugledni ugostitelj s Ilidže Sejo Brajlović koji je donirao 10.000 KM Domu zdravlja Ilidža i pozvao sve prijatelje BiH u arapskom svijetu da pomognu Sarajevu i BiH finansijski.

Formacije pri Civilnoj zaštiti Općine Ilidža, JP “Ilidža” i Vatrogasno društvo “Kenan Slinić” započeli su dezinfekciju svih ulica na Ilidži. Gorska služba spašavanja vršit će dezinfekciju svih stubišta u zgradama. Počela je i podjela paketa socijalno ugroženom stanovništvu.

I dalje se vrši dezinfekcija svih kritičnih tačaka

Formacije pri Civilnoj zaštiti Općine Ilidža, JP “Ilidža”, Gorska služba spašavanja i Vatrogasno društvo i 27. marta su na terenu i poduzimaju preventivne mjere, kako bi suzbili širenje koronavirusa.

JP “Ilidža” izvršilo je dezinfekciju oko Doma zdravlja Ilidža, zatim svih ulica u Hrasnici, Sokolović-Koloniji, Butmiru, Donjem Kotorcu, a u toku je dezinfekcija u Maloj aleji, Pejtonu, Lužanima. Sutra će se raditi Stup I i II i Otes i Stupsko brdo.

Gorska služba spašavanja “Ilidža” vrši dezinfekciju kriznih tačaka i to Pošte, Policijske uprave, oko MZ, ambulanti u MZ, apoteka, a vrše i dezinfekciju pojedinih ulica. Sa topovima dezinfekcije rade i u urbanom djelu oko naselja Tibra I i II.

Vatrogasno društvo “Ilidža” provodi trenutno dezinfekciju u Osjeku, Vreocama, Vrelu Bosne, Rakovici i Blažuju.



Drive in ispred Doma zdravlja Ilidža

Dom zdravlja Ilidža je jedna od javnih ustanova koja je u uspostavila Drive in način testiranja na korona virus.

Drive in ispred Doma zdravlja Ilidža uspostavljen 19.maja radit će na način da se izvrši masovnije testiranje. Općina Ilidža, odnosno Civilna zaštita obezbijedila je šator za ove potrebe.





Izvještaji o provedenim mjerama na Štabu CZ i naredne mjere

Izvještaj o provedenim mjerama i aktivnostima Štaba civilne zaštite Općine Ilidža na sprječavanju širenja pandemije koronavirusa od 25. do 30. marta 2020. godine i otklanjanje nedostataka uočenih u toku procesa djelovanja na provedenim aktivnostima, bile su tačke dnevnog reda Općinskog štaba civilne zaštite Ilidža na sjednici održanog 30. marta 2020.

Kako je rečeno angažovane su tri Službe zaštite i spašavanja na dezinfekciji javnih površina i objekata od 26. do 29. marta 2020. godine i to: Služba zaštite i spašavanja za čistoću i asanaciju terena, formirana u JP „Ilidža“, Služba zaštite i spašavanja od požara, formirana u VD „Ilidža“, Služba zaštite i spašavanja sa visina i nepristupačnih terena, formirana u Udruženju gorska služba spašavanja i streljački klub Ilidža.

Služba zaštite i spašavanja za čistoću i asanaciju terena, formirana u JP „Ilidža“ izvršila je dezinfekciju svih saobraćajnica i pješačkih staza u sljedećim MZ-a: Hrasnica I, Hrasnica II, Sokolović- Kolonija, Butmir, Donji Kotorac, Ilidža centar, Lužani, Stup II, Stup I, Stupsko brdo, Otes i Rakovica.

Služba zaštite i spašavanja od požara, formirana u VD „Ilidža“, izvršila je dezinfekciju svih saobraćajnica i pješačkih staza u sljedećim MZ-a: Osjek, Vreoca, Vrelo Bosne i Blažuj. Služba zaštite i spašavanja sa visina i nepristupačnih terena, formirana u Udruženju gorska služba spašavanja i streljački klub Ilidža, izvršila je dekontaminaciju stubišta u stambenoj zgradi u ul. Suada Đulimana, gdje su potvrđeni slučajevi koronavirusa, te dezinfekciju užeg lokaliteta navedene stambene zgrade (saobraćajnica, trotoar i parkovske površine). Izvršena je dekontaminacija dijela ulice Osik, gdje je takođe potvrđen koronavirus.

Izvršena je dezinfekcija objekata ambulate porodične medicine: Stup II, Stup. Rakovica, Otes, Hrasnica II, Blažuj, Osjek, Sokolović- Kolonija, Butmir. Izvršena je dezinfekcija objekata MZ-a: Stup II, Otes, Hrasnica II, Sokolović- Kolonija, Osjek, Rakovica, zgrade Općine Ilidža, zgrade Pete PU Ilidža, zgrade glavne pošte na Ilidži i pošte u Rakovici, KSiRC „Ilidža“, prostor ispred poliklinike „Eurofarm“, površine ispred Katoličke crkve na Stupu i Samostan sestara „Karmelićanki“. Izvršena je dezinfekcija javnih površina u kompleksu stambenog bloka „Tibra Pacifik“, a izvršena je dekontaminacija u dijelu ul. Ismeta Alajbegovića Šerbe i ul. Gazi Hasan Paše gdje su potvrđeni slučajevi koronavirusa.

Dezinfekcija i pranje ulica na najfrekventnijim lokacijama

Formacije pri Civilnoj zaštiti Općine Ilidža, JP „Ilidža“, Gorska služba spašavanja i Vatrogasno društvo su na terenu vršili dezinfekciju i pranje najfrekventnijih lokacija na području ove općine.

Izvršeno je pranje i dezinfekcija saobraćajnica, trgova, terminala, aleja, šetnica, sportskih i dječijih igrališta, parkovskih i drugih javnih površina. Ova aktivnost, nastavak je preventivnih mjera koje se provode s ciljem sprečavanja širenja koronavirusa i zaštite zdravlja stanovnika naše općine.

Služba zaštite i spašavanja za čistoću i asanaciju terena, formirana u JP „Ilidža“ izvršila je dezinfekciju svih saobraćajnica i pješačkih staza u sljedećim MZ-a: Hrasnica I, Hrasnica II, Sokolović- Kolonija, Butmir, Donji Kotorac, Ilidža centar, Lužani, Stup II, Stup I, Stupsko brdo, Otes i Rakovica. Služba zaštite i spašavanja od požara, formirana u VD „Ilidža“, izvršila je dezinfekciju svih saobraćajnica i pješačkih staza u sljedećim MZ-a: Osjek, Vreoca, Vrelo Bosne i Blažuj. Služba zaštite i spašavanja sa visina i nepristupačnih terena, formirana u Udruženju gorska služba spašavanja i streljački klub Ilidža, izvršila je dekontaminaciju stubišta u stambenoj zgradi u ul. Suada Đulimana, gdje su potvrđeni slučajevi koronavirusa, te dezinfekciju užeg lokaliteta navedene stambene zgrade (saobraćajnica, trotoar i parkovske površine). Izvršena je dekontaminacija dijela ulice Osik, gdje je takođe potvrđen koronavirus.

Izvršena je dezinfekcija objekata ambulate porodične medicine: Stup II, Stup. Rakovica, Otes, Hrasnica II, Blažuj, Osjek, Sokolović- Kolonija, Butmir. Zatim dezinfekcija objekata MZ-a:



Uspostavljen je sistem pomoći građanima MZ-a (sekretari, savjeti MZ-a i volonteri). Postavljena su dva kontejnera za trijažu ispred Doma zdravlja Ilidža. Vrš se podjela paketa socijalno ugroženim građanima. Nabavljeno je 1 000 litara dezinfekcionih sredstava za unutrašnje i vanjske površine, dok je u toku je nabavka 5 000 zaštitnih maski.

Uposlenici Službe za opću upravu koji idu na teren su opremljeni sa zaštitnom opremom. Uspostavljen je sistem ovjere punomoći za osobe starije od 65 godina (penzije i sl.). Podjela paketa građanima ide po planu, ali zbog velikog broja zainteresovanih, potrebno je izvršiti nabavku još 400 paketa, istaknuto je na sjednici Kriznog štaba. Prema riječima načelnika Općine Ilidža, komandanta CZ, prof.dr. Senaida Memića potrebno je nabaviti još zaštitnih maski.

„Kupiti dovoljan broj maski i organizovati punktove za podjelu građanima“ dodao je načelnik Memić, te izrazio nadu da će se Općina Ilidža za dvije sedmice vratiti normalnim aktivnostima.

Muhamed Sarić, predstavnik Pete policijske uprave istakao je problem bježenja migrantima kroz ogradu iz prihvatnog centra u Blažuju.

„Zabilježeni su slučajevi prebacivanja migranata iz drugih Kantona u FBiH koji se upućuju u prihvatni centar u Blažuju, a kapacitet je već popunjeniji“ rekao je Sarić. Kasim Memić na ličnu inicijativu izvršio je dezinfekciju ulica mašinom koja vrši

Stup II, Otes, Hrasnica II, Sokolović- Kolonija, Osjek, Rakovica, zgrade Općine Ilidža, zgrade V PU Ilidža, zgrade glavne pošte na Ilidži i pošte u Rakovici, KSC „Ilidža“, prostor ispred poliklinike „Eurofarm“, površine ispred Katoličke crkve na Stupu i Samostan sestara „Karmelićanki“. Izvršena je dezinfekcija javnih površina u kompleksu stambenog bloka „Tibra Pacifik“, a izvršena je dekontaminacija u dijelu ul. Ismeta Alajbegovića Šerbe i ul. Gazi Hasan Paše gdje su potvrđeni slučajevi koronavirusa.

Uspostavljen je sistem pomoći građanima MZ-a (sekretari, savjeti MZ-a i volonteri). Postavljena su dva kontejnera za trijažu ispred Doma zdravlja Ilidža. Vrš se podjela paketa socijalno ugroženim građanima. Uspostavljen je sistem ovjere punomoći za osobe starije od 65 godina (penzije i sl.). Podjela paketa građanima ide po planu, ali zbog velikog broja zainteresovanih, potrebno je izvršiti nabavku još paketa.





Hoše comerc donirao 60 paketa

Nasuprot scenama kada se tek pojavio virus korona, kada su se ljudi uplašeni "grabili" za namirnice i sredstva za dezinfekciju, sada u prvom planu su humani gestovi. Zbog pandemije koronavirusa mnogi su ostali bez posla. Neki od njih doslovno, možda i bez korice hljeba. Solidarnost i odgovornost su u ovim danima najvažniji.

Svoj primjer solidarnosti i humanosti pokazao je i Izet Bozalića vlasnik firme Hoša comerc. On je donirao 60 paketa u kojima su osnovni prehrambeni proizvodi porodicama u Gornji Kotorac. Sekretari ilidžanske općine 28. aprila 2020. odnijeli su na kućna vrata 64 paketa (četiri paketa Općina Ilidža), povratnicima koji su u stanju socijalne potrebe. Načelnik Općine Ilidža prof.dr. Senaid Memić zahvalio je firmi Hoša comerc.

"Jedno veliko hvala svim našim privrednicima, jer smo pokazali već mnogo puta, da zajedničkim angažmanom dolazimo do najboljih rezultata. Hvala našem Hoši koji je pokazao humanost, jer su paketi sa hranom otišli u prave ruke" rekao je načelnik Memić.

Općina Ilidža obezbijedila je i 4.700 kilograma sjemenskog krompira koje je podijelila po svim MZ-a po 8,30 kilograma dobilo je 486 domaćinstava.



Održan turnir u malom nogometu

Povodom Dana reintegracije Općine Ilidža Savjet mjesne zajednice "Stupsko brdo" u saradnji sa nogometnim klubom "Stup" organizovao je turnir u malom nogometu. Na turniru su učestvovala ekipe iz 12 mjesnih zajednica. Uz veoma dobro raspoloženje, hranu i piće učesnici turnira su svojom lijepom igrom, fer i korektnim ponašanjem uveličali ovaj događaj.



Karate klub „Champion“ postigao izvanredne rezultate

Meris Muhović, Nermin Ramčilo i Eldin Hajdarpasić donijeli zlato. U Beogradu je u martu održano seniorsko prvenstvo Balkana u karateu. Takmičari Karate kluba „Champion“ su osvojili tri zlatne i jednu bronzanu medalju. U kategoriji do 60 kilograma Eldin Hajdarpasić je pobjedom nad predstavnicima Srbije u prvom kolu, zatim predstavnikom Hrvatske, te u finalu ponovno nad predstavnikom Srbije zauzeo prvo mjesto.

Nermin Ramčilo i Eldin Hajdarpasić su u kategoriji do 67 kilograma pobjedom nad takmičarima Srbije dva puta, nad predstavnicima Hrvatske dva puta, te u finalu ponovnom pobjedom nad predstavnikom Srbije zauzeo prvo mjesto. U istoj kategoriji Ervin Galić je zauzeo treće mjesto, osvojivši bronzanu medalju.

U kategoriji do 84 kilograma, Meris Muhović je zauzeo prvo mjesto pobjedom nad dva predstavnika Srbije, predstavnikom Crne Gore u polufinalu, te je na kraju pobijedio kolegu iz reprezentacije Bosne i Hercegovine. Takmičare KK Champion je vodio selektor muške reprezentacije Bosne i Hercegovine Denis Muhović. Ovim rezultatima, naši takmičari su potvrdili da su u odličnoj formi pred prvenstvo Evrope koje se ove godine održava u Azerbejdžanu.

Eldin Bučan najbolji šahista

Povodom Dana Općine Ilidža 08.marta 2020. godine održan je turnir u šahu u prostorijama KSC „Hrasnica“. Prvo mjesto osvojio je Eldin Bučan, drugo Mirsad Jukić, treće Refik Zenović i četvrto Nermin Haznadar. Za učesnike koji su ostvarili najbolji plasman upriličene su prigodne nagrade. Organizator turnira je bio Šahovski klub „Igman“ Ilidža.





I dalje čuvamo uspomenu na Amera Čenanovića

Prvog aprila 2011. godine na bolji svijet otišao je Amer Čenanović, načelnik Općine Ilidža. Amer od svojih Ilidžanaca ni nakon devet godina nije zaboravljen. Oni će načelnika Čenanovića pamtiti kao čovjeka koji je imao plemenito srce, koji se trudio da Ilidžu učini boljim mjestom za življenje i koji je sve što je zamislio i proveo u djelo. Pamte ga kao nekog koji je bio od koristi drugima, koji je se trudio lokalnoj zajednici dati prosperitet.

Bio je drugačiji političar, čovjek koji je skromno živio i koji je tako nečujno otišao.

Amera su mnogi voljeli, a politički protivnici poštovali. Obavljajući dužnost općinskog načelnika kroz nesebičnost i veliko zalaganje ispoljavao je ideje koje je svojom upornošću provođenju u djelo. Umro je u 51. godini, a posthumno mu je dodijeljena Zlatna plaketa Općine Ilidža. Čenanović je rođen 25. decembra 1961. godine u Butmiru Mašinski fakultet završio je 1989. godine u Sarajevu i stekao zvanje diplomiranog mašinskog inženjera. Bio je otac je dvoje djece.